

Na osnovu člana 52. stav (1) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 74. stav (5) Zakona o državnoj službi u Kantonu Sarajevo ("Službene novine Kantona Sarajevo", broj 31/16), člana 76. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj 49/05), člana 34. stav (1) Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa ("Službene novine Kantona Sarajevo", br. 39/16 i 10/17), člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija ("Službene novine Kantona Sarajevo", br. 36/06, 8/12 i 39/16) i člana 29. stav (1) Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici ("Službene novine Federacije BiH", br. 69/05 i 29/06), ministar za boračka pitanja Kantona Sarajevo, uz saglasnost Vlade Kantona Sarajevo, donosi

**PRAVILNIK  
O IZMJENI PRAVILNIKA O UNUTRAŠNJOJ  
ORGANIZACIJI MINISTARSTVA ZA BORAČKA  
PITANJA KANTONA SARAJEVO**

**Član 1.**

U Pravilniku o unutrašnjoj organizaciji Ministarstva za boračka pitanja Kantona Sarajevo, broj 06-02-34045/16 od

30.11.2016. godine i Pravilniku o izmjeni i dopunama Pravilnika o unutrašnjoj organizaciji Ministarstva za boračka pitanja Kantona Sarajevo, broj 06-02-26189/19 od 27.06.2019. godine u članu 25a. u cijelom tekstu stava (4) brišu se riječi: "pravne ili upravne struke ili".

**Član 2.**

(Stupanje na snagu Pravilnika)

Ovaj Pravilnik stupa na snagu danom dobijanja saglasnosti od Vlade Kantona Sarajevo, a objavit će se u "Službenim novinama Kantona Sarajevo".

Broj 06-02-38279/19  
23. oktobra 2019. godine  
Sarajevo

Ministar  
Mr. **Ismir Jusko**, s. r.

Na ovaj Pravilnik Vlada Kantona Sarajevo dala je saglasnost, na 48. sjednici održanoj 21.11.2019. godine, Odlukom, broj 02-05-41151-12/19 od 21.11.2019. godine, a u skladu sa članom 52. stav 1. tačka 2. Zakona o organizaciji organa uprave u Federaciji BiH ("Službene novine Federacije BiH", broj 35/05).

**GRAD SARAJEVO**

**Gradonačelnik**

Na osnovu člana 4. i člana 5. stav 1. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Federacije BiH", broj 60/13), a u vezi sa članom 23. stav 1., 2. i 3. Odluke o izvršavanju Budžeta Grada Sarajeva za 2019. godinu ("Službene novine Kantona Sarajevo, broj 54/18), gradonačelnik Grada Sarajeva donosi

**ODLUKU  
O ODOBRAVANJU SREDSTAVA SA POZICIJE:  
TEKUĆA REZERVA**

**Član 1.**

Ovom Odlukom odobravaju se novčana sredstva UG "Facultas za prosperitet mladih" (u daljem tekstu: "Facultas"), kao finansijska podrška 20-om Festivalu "Kao nekad pred Božić 2019".

**Član 2.**

Sredstva za realizaciju obaveze iz člana 1. Odluke odobravaju se iz Budžeta Grada Sarajeva za 2019. godinu ("Službene novine Kantona Sarajevo", broj 54/18) sa pozicije: 614300: Tekuća rezerva, u ukupnom iznosu od 3.000,00 KM (slovima: trihiljade KM), a prema Zahtjevu Facultasa, broj 05-14-6135/19, od 24.09.2019. godine.

**Član 3.**

Sredstva iz člana 2. Odluke Gradska služba finansija će doznačiti na račun broj 33832002266294332, kod UniCredit bank d.d., Sarajevo, Svrha uplate: finansijska podrška 20-om Festivalu "Kao nekad pred Božić 2019".

**Član 4.**

Facultas se obavezuje da u roku od petnaest (15) dana, nakon utroška sredstava iz člana 2. ove odluke, gradonačelniku Grada

Sarajeva dostavi izvještaj i kompletnu dokumentaciju o namjenskom utrošku sredstava, koja su doznačena iz Budžeta Grada Sarajeva za 2019. godinu i to:

- Izvještaj o namjenskom utrošku sredstava;
- Pregled utroška dodijeljenih sredstava sa obrazloženjem;
- Ovjerenе kopije faktura od davaoca usluge ili dobavljača;
- Ovjerenе kopije računa o izvršenom plaćanju (bankovna uplatnica);
- Izvod banke o izvršenom plaćanju na račun komitenta.

**Član 5.**

Grad Sarajevo zadržava pravo da zahtijeva povrat odobrenih sredstava iz člana 2. ove odluke, ukoliko utvrdi da Facultas nije namjenski utrošio ista.

**Član 6.**

Facultas je saglasan i obavezuje se da će u svim javnim i promotivnim istupima, uključujući društvene mreže i ostale kanale komuniciranja kao i svaki drugi pogodan način, isticati značaj, ulogu i podršku Grada Sarajeva u realizaciji Festivala.

**Član 7.**

U slučaju neispunjavanja obaveze iz člana 4. Odluke, Grad Sarajevo ima pravo da pokrene postupak za povrat odobrenih sredstava, pred nadležnim sudom u Sarajevu.

**Član 8.**

Za realizaciju ove odluke zadužuju se Gradska služba finansija i Gradska služba za lokalnu samoupravu i razvoj grada.

**Član 9.**

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/05-14-6135-1/19  
20. novembra 2019. godine  
Sarajevo

Gradonačelnik  
Grada Sarajeva  
Mr. **Abdulah Skaka**, s. r.